

Izvještaj o radu Uprave policije MUP-a Kantona Sarajevo za 2017.godinu

KRIMINALITET

Tokom 2017. godine, aktivnosti Uprave policije Ministarstva unutrašnjih poslova Kantona Sarajevo, kada je u pitanju oblast kriminaliteta, ogledale su se, prevashodno u prevenciji i sprječavanju izvršenja krivičnih djela, rasvjetljavanju počinjenih djela i identifikaciji njihovih izvršilaca, te njihovom procesuiranju i privođenju nadležnim organima. Imajući u vidu, između ostalog, smanjenje ukupnog broja registrovanih krivičnih djela za 8,8%, broja teških krađa motornih vozila za 22,2%, prijavljenih maloljetnika za 21,6%, slučajeva aktiviranja minsko-eksplozivnih sredstava za 36,4%, procenat rasvjetljenosti „najtežih“ krivičnih djela, djela protiv života i tijela od 97,1%, kao i procenat ukupne rasvjetljenosti krivičnih djela od 66,4%, postignuti rezultati su zadovoljavajući.

STATISTIČKI PRIKAZ KRIMINALITETA

Kriminalitet na području Kantona Sarajevo u 2017. godini u odnosu na isti period prethodne godine, posmatrano kroz statističke pokazatelje, karakteriše smanjenje broja, registrovanih krivičnih djela za 8,8%, prijavljenih lica za 1,4% maloljetnih izvršilaca za 21,6%, povratnika u činjenju krivičnih djela za 2,1% dok je povećan broj lica lišenih slobode za 7%. U odnosu na 2016. godinu, povećana je ukupna rasvjetljenost krivičnih djela za 1,2%.

U 2017. godini, registrovano je 4.316 krivičnih dje, što je za 417 djela ili 8,8% manje u odnosu na prethodnu godinu.

U 1.853 slučaja (42,9% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 2.463 krivična djela (ili 57,1%), prijavljeno je po nepoznatom izvršiocu, od kojih je 1.011 naknadno rasvjetljeno (ili 41%). Tokom izvještajnog perioda ukupno su rasvjetljena 2.864 krivična djela ili 66,4% što je za 1,2% veća rasvjetljenost u odnosu na prethodnu godinu.

Za izvršenje navedenih djela prijavljeno je 2.457 lica, od kojih su 1.473 povratnika u činjenju krivičnih djela (ili 60% prijavljenih), 58 maloljetnika, a 1.072 lica su lišena slobode (ili 43,6% prijavljenih). U odnosu na 2016. godinu manji je broj, prijavljenih lica za 35 (ili 1,4%), povratnika za 31 (ili 2,1%) i broj maloljetnih izvršilaca za 16 (ili 21,6%), dok je povećan broj lica lišenih slobode za 70 (ili 7%).

UPOREDNI POKAZATELJI STANJA KRIMINALITETA NA PODRUČJU KANTONA SARAJEVO U 2017/16. GODINI
PREMA GLAVAMA KRIVIČNOG ZAKONA FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA	2017. godina	2016. godina	uporedba br.KD		“rasvijetljenost” u 2017. godini	
			+ / -	%	br.KD	%
Protiv ustavnog poretka Federacije	1	0	1	---	1	100%
Protiv života i tijela	175	158	17	10,8%	170	97,1%
Protiv slobode i prava čovjeka i građanina	202	192	10	5,2%	192	95%
Protiv spolne slobode i morala	11	6	5	83,3%	11	100%
Protiv braka, porodice i mladeži	246	249	-3	-1,2%	246	100%
Protiv zdravlja ljudi	491	344	147	42,7%	491	100%
Protiv privrede, poslovanja i sigurnosti pla.	6	22	-16	-72,7%	6	100%
Iz oblasti poreza	1	0	1	---	1	100%
Protiv radnih odnosa	0	1	-1	---	0	---
Protiv imovine	2.705	3.181	-476	-15%	1.306	48,3%
Protiv okoliša	7	7	0	isto	5	71,4%
Protiv opće sigurnosti ljudi i imovine	72	93	-21	-22,6%	46	63,9%
Protiv sigurnosti javnog prometa	89	102	-13	-12,7%	85	95,5%
Protiv pravosuđa	17	35	-18	-51,4%	18	105,9%
Protiv javnog reda i pravnog prometa	186	236	-50	-21,2%	178	95,7%
Protiv podmić. i kd protiv sl. i druge odgovor...	22	17	5	29,4%	22	100%
Protiv sistema elektronske obrade podataka	2	1	1	100%	2	100%
Protiv privrede i jedinstv. tržišta te...(KZBiH)	5	3	2	66,7%	5	100%
Dogovor, priprem.,udruž. i org.krim.(KZ BiH)	0	1	-1	---	1	---
ZONDINOIM-a (Sl.novine KS br.38/07)	78	84	-6	-7,1%	78	100%
UKUPNO	4.316	4.733	-417	-8,8%	2.864	66,4%

U 2017. godini u odnosu na 2016. godinu, zabilježeno je značajno smanjenje broja registrovanih krivičnih djela i to za 417 ili 8,8%.

Najznačajnije **smanjenje** zabilježeno je u oblasti protiv: imovine (za 476 djela), javnog reda i pravnog prometa (za 50), opće sigurnosti ljudi i imovine (za 21), pravosuđa (za 18), privrede, poslovanja i sigurnosti platnog prometa (za 16), sigurnosti javnog prometa (za 13 djela), itd., dok je **povećanje** evidentirano u oblastima protiv: zdravlja ljudi (za 147 djela), života i tijela (za 17), slobode i prava čovjeka i građanina (za 10), spolne slobode i morala (za pet djela), itd.

Zbog postojanja osnova sumnje da su počinili djela iz ove oblasti podneseni su službeni izvještaji protiv 200 lica, od kojih su 104 povratnika (ili 52%), a 74 su lišena slobode.

Evidentirana su slijedeća krivična djela: - ubistvo iz člana 166. KZFBiH-a – šest djela (jedno više), ubistvo u pokušaju – četiri (devet manje), ubistvo u pomaganju - jedno djelo (isto), teška tjelesna ozljeda – 80 (deset više), lahka tjelesna ozljeda – 75 (14 više), učestvovanja u tuči – osam djela (dva više) i nepružanje pomoći - jedno djelo (isto).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 202 djela (10 više) i to: - ugrožavanje sigurnosti – 200, protupravno lišenje slobode i protupravno lišenje slobode u pokušaju - po jedno djelo, a zbog izvršenja

navedenih djela prijavljeno je 186 lica od kojih su 89 povratnika u činjenju krivičnih djela (ili 47,8%), a 31-no je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je 11 djela (pet više) i to: silovanje - pet djela, bludne radnje - tri, spolni odnošaj s djetetom - dva i navođenje na prostituciju - jedno djelo. Zbog postojanja osnova sumnje da su počinili djela iz ove oblasti podneseni su službeni izvještaji protiv deset lica, od kojih je osam lišeno slobode.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 246 krivičnih djela (tri manje) i to: nasilje u porodici - 242 djela, oduzimanje djeteta ili maloljetnika, zapuštanje ili zlostavljanje djeteta ili maloljetnika, izbjegavanje izdržavanja i oduzimanje djeteta ili maloljetnika u pokušaju - po jedno djelo. Službeni izvještaji podneseni su protiv 247 lica od kojih su 152 povratnika ili 61,5%, a 149 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 511 lica (103 više), od kojih je 311 povratnika (ili 60,9%), a zbog postojanja osnova sumnje da su počinili 491-no krivično djelo (147 više) i to:

- neovlašćena proizvodnja i stavljanje u promet opojnih droga – 44 djela (17 više)
- posjedovanje i omogućavanje uživanja opojnih droga – 446 djela (132 više),
- nesavjesno liječenje - jedno djelo (jedno manje).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 71-nog lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu drogu ("Marihuanu", "Amfetamin", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 439 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", "Heroin", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 293 lica su lišena slobode (90 više).

TABELARNI PREGLED ODUZETE OPOJNE DROGE U 2017/16. GODINI

VRSTA OPOJNE DROGE	2017. GODINA	2016. GODINA
Marihuana (u gramima)	12.578,33	7.414,8
Marihuana (paketići)	311	297
Marihuana (JOINT - cigarete)	36	8
Heroin (paketići)	65	58
Heroin (u gramima)	---	750
Amfetamin (paketići)	118	96
Amfetamin (u gramima)	1.758,5	2.273,2
Cannabis (stabljike)	4	1
Cannabis (sjemenke)	1	93
Kokain (paketići)	15	1
Kokain (u gramima)	15	40
Ecstasy (tablete)	793,75	818

Ecstasy (u gramima)	2,2	---
Heptanon/Metadon (tablete)	---	8
Heptanon/Metadon (solucija)	1 kom i bočica	---
Suboxone (tablete)	19	51
Kristal Met (u gramima)	---	25
Kristal Met (paketići)	4	---
LSD markice	36	---
Pribor sa ostacima droge (komada)	41	36

S ciljem pronalaženja narkotičkih sredstava ispitana su i saslušana 262 lica (28 više), izvršen pretres 256 lica (106 više), 64 stambena objekta (13 više) i većeg broja automobila po usmenim naredbama Opštinskog suda u Sarajevu.

Povećanje registrovanih krivičnih djela u ovoj oblasti, jeste rezultat pojačanih i planski provedenih aktivnosti Uprave policije koje su se ogledale u sprječavanju svih oblika zloupotreba narkotika tako da je u 2017. godini sprovedeno i niz efikasnih akcija na presijecanju "lanaca" trgovine opojnim drogama, što je rezultiralo zaplijenom većih količina droga i to opojne droge „Marihuane“ - preko 12,5 kg „Amfetamin-a“ - preko 1,75 kg, 793 komada Ecstasy tableta, itd.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovano je šest krivičnih djela (16 manje) i to: prijevarena u privrednom poslovanju - četiri, krivotvorenje kreditnih i ostalih kartica bezgotovinskog plaćanja i pranje novca - po jedno djelo za čije je izvršenje prijavljeno osam lica.

Takođe, od strane službenika Odjeljena za privredni kriminal tokom 2017. godine, zadokumentovana su i krivična djela koja su u vezi sa „privrednim kriminalom“, a svrstana su u druge glave KZFBiH-a i KZ BiH-a i to:

- pronevjera u službi i zloupotreba položaja ili ovlašćenja - po četiri djela,
- prijevara i primanje dara i drugih oblika koristi - po tri djela,
- nesavjestan rad u službi, krivotvorenje novca, krivotvorenje kreditnih i ostalih kartica bezgotovinskog plaćanja i lažno predstavljanje - po dva djela,
- organizirani kriminal, udruživanje radi vršenja krivičnih djela, skidanje ili povreda službenog pečata ili znaka, davanje dara i drugih oblika koristi, oštećenje računalih podataka i programa, računalna prijevara, sprečavanje dokazivanja u pokušaju, itd. - po jedno djelo,

a koja su prijavljena u 2017. godini i čijim je izvršenjem nastupila materijalna šteta za pravna lica u iznosu od 16.039.741,61 KM i za fizička lica u iznosu 22.350,00 KM i 816 €, što znači da **ukupna materijalna šteta prouzrokovana činjenjem ovih djela iznosi 16.062.091,61 KM i 816 Eura** (što je za 15.147.272,67 KM i 816 € više u odnosu na 2016. godinu).

KRIVIČNA DJELA PROTIV IMOVINE

U oblasti krivičnih djela protiv imovine registrovano je 2.705 djela što je za 476 ili 15% manje u odnosu na 2016. godinu.

Najbrojnija djela iz ove oblasti su: teške krađe – 1.518 (328 manje), krađe – 415 (16 manje), razbojništva – 411 (123 manje), oštećenje tuđe stvari – 151 (13 više), prijevara – 48 (dva više), utaja – 38 (14 manje), teška krađa u pokušaju – 35 (tri manje), prikrivanje – 21 (dva manje), itd.

Zbog izvršenja navedenih djela prijavljeno je 715 lica od kojih je 527 povratnika u činjenju krivičnih djela (ili 73,7%), a 267 je lišeno slobode.

Za ukupno 1.306 ovih djela ili 48,3% identifikovani su osumnjičeni izvršiocima, što je u odnosu na prethodnu godinu, smanjenje za 1,5%.

Objekti napada pri vršenju krivičnih djela protiv imovine najčešće su bila motorna vozila (otuđenja motornih vozila i “provale” u ista) - 635 puta (145 manje), stambeni objekti – 554 (124 manje), prodavnice i drugi poslovni prostori - 228 (72 manje), na ulici - 55 (15 manje), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, alati, itd.

U 2017. godini na području Kantona Sarajevo izvršeno je 431-no krivično djelo teških krađa motornih vozila, od čega su 103 ili 23,9% vraćeno (od strane policije MUP Kantona Sarajevo vraćeno je 36 vozila, MUP RS-a – 10, drugih MUP-ova – 18, za novac su vraćena - tri i 36 vozila vlasnici su sami pronašli).

U odnosu na 2016. godinu broj otuđenih motornih vozila znatno je smanjen (za 123 ili 22,2%).

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 48 lica (14 više) od kojih je 41 povratnik (ili 85,4%).

Na području Kantona Sarajevo u 2017. godini registrovano je 411 djela razbojništva što je za 123 djela ili 23% manje u odnosu na prethodnu godinu.

Razbojništva su počinjena u prodavnicama i drugim poslovnim prostorima - 201 put (35 manje), u sportskim kladionicama – 66 (sedam manje), na ulici – 83 (61 manje), apotekama - 25 (osam manje), benzinskim pumpama - 13 (pet manje), itd.

Navedena djela izvršena su prijetnjom upotrebe vatrenog oružja – 167 puta (55 manje), prijetnjom i upotrebom noža ili drugog oštrog predmeta (komad stakla, šrafčiger i sl.) – 150 (39 manje) i upotrebom fizičke snage – 94 puta (29 manje).

Ukupno su rasvijetljena 192 ova djela ili 46,7% što je za 0,8% veća rasvijetljenost ovih djela u odnosu na 2016. godinu, a zbog postojanja osnova sumnje da su počinili ova djela prijavljeno je 126 lica od kojih je 109 povratnika ili 86,5%.

Broj teških krađa na naročito opasan ili naročito drzak način u 2017. godine u odnosu na 2016. znatno je smanjen i to za 85 ili 48,6%.

Naime, evidentirano je 90 ovih djela u kojima su izvršiocima, upotrebom fizičke snage – 60 puta, te verbalnom prijetnjom u 30 slučajeva, otimali mobitele, nakit i novac.

Za izvršenje ovih oblika teških krađa, prijavljeno je 30 lica, od kojih su 24 povratnika (ili 80%), a 16 je lišeno slobode. Ukupno je rasvijetljeno 50 ovih djela ili 55,6% što je za 2,5% manje.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 72 djela (21 manje) i to: izazivanje opće opasnosti – 60 djela, nesavjesno čuvanje pasa i drugih opasnih životinja - devet, teška krivična djela protivopće sigurnosti ljudi i imovine, izazivanje opće opasnosti u pokušaju i izazivanje opće opasnosti u pomaganju - po jedno djelo.

Krivična djela izazivanja opće opasnosti (60 djela) izvršena su na otvorenom prostoru - 47 puta, u stambenim - šest, u ugostiteljskim objeklima - četiri, te po jednom u školskom, poslovnom objektu i šupi pri čemu je u devet slučajeva aktivirana nepoznata eksplozivna naprava, 23 puta pucano iz vatrenog oružja, u 27 slučajeva je otvorenim plamenom izazvan požar i u jednom slučaju je

putem telefona dojavljeno da je u školi postavljena eksplozivna naprava. Posljedica izvršenja navedenih djela je ranjavanje tri lica, nastala materijalna šteta i uznemirenost građana.

Zbog postojanja osnova sumnje da su počinili djela iz ove oblasti nadležnom tužilaštvu podneseni su službeni izvještaji protiv 49 lica, od čega su 24 povratnika ili 49%, a 25 je lišeno slobode.

KRIVIČNA DJELA PROTIV PRAVOSUĐA

Evidentirano je 17 djela iz ove oblasti (18 manje) i to: pomoć učitelju poslije učinjenog krivičnog djela - pet djela, udruživanje radi činjenja krivičnih djela - tri, omogućavanje bijega osobi kojoj je oduzeta sloboda i pripremanje krivičnog djela - po dva, organizirani kriminal, davanje lažnog iskaza, sprečavanje dokazivanja, bijeg osobe kojoj je oduzeta sloboda i sprečavanje dokazivanja u pokušaju - po jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 62 lica od koji su 23 povratnika, a 34 su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 186 krivičnih djela (50 manje) i to: nasilničko ponašanje - 86 djela, nedozvoljeno držanje oružja ili eksplozivnih materija - 34, krivotvorenje isprave - 18, napad na službenu osobu u vršenju poslova sigurnosti - 25, sprečavanje službene osobe u vršenju službene radnje - šest, ovjeravanje neistinitog sadržaja - pet, lažno predstavljanje, samovlašće i povreda mira pokojnika - po tri, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 238 lica, 130 su povratnici (ili 54,6%), a 105 je lišeno slobode.

1.3. KRIVIČNA DJELA POČINJENA OD STRANE MALOLJETNIH LICA

U toku 2017. godine **prijavljeno je 58 maloljetnika** zbog postojanja osnova sumnje da su **izvršili 80 krivičnih djela**. U poređenju sa 2016. godinom, **broj krivičnih djela** za čije izvršenje su prijavljena maloljetna lica **smanjen je za 65 ili 44,8%, kao i broj prijavljenih maloljetnih učinilaca** ovih djela **smanjen je za 16 ili 21,6%**.

Pregled broja maloljetnih izvršilaca krivičnih djela za 2017. godinu
prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	4	30	24	58

Među maloljetnim učinocima krivičnih djela, najveći broj je u dobi od 14 do 16 godina (30), dok je povratnika u izvršenju krivičnih djela bilo 13 (ili 22,4%).

Najveći broj krivičnih djela izvršili su maloljetnici na području **općina Novo Sarajevo** (30 ili 37,5%), **Novi Grad** (16 ili 20%) i **Centar** (14 ili 17,5%).

U strukturi krivičnih djela koja su počinili maloljetnici, najbrojnija su razbojništvo (20 ili 25%), zatim lahke tjelesne ozljede - osam djela, posjedovanje i omogućavanje uživanja opojnih droga i nasilničko ponašanje - po sedam djela, ugrožavanje sigurnosti i teška krađa na naročito opasan ili naročito drzak način - po šest djela, krađa i teška krađa - po četiri i td.

Pregled registrovanih krivičnih djela izvršenih od strane maloljetnih lica
za 2017/16. godinu

Naziv krivičnog djela	2017. godina	2016. godina	+ - %
Ubistvo u pokušaju		1	-1
Teška tjelesna ozljeda	3	8	-5 ili 62,5%
Lahka tjelesna ozljeda	8	6	2 ili 33,3%
Protupravno lišenje slobode	1		1
Ugrožavanje sigurnosti	6	1	5 ili 500%
Nasilje u porodici		2	-2
Posjedov. i omoguć. uživanja opoj. droga	7	1	6 ili 600%
Krađa	4	8	-4 ili 50%
Teška krađa	4	26	-22 ili 84,6%
Teška krađa-pokušaj	3	7	-4 ili 57,1%
Teška krađa na naroč. opasan ili naročito drzak način	6	12	-6 ili 50%
Razbojništvo	20	51	-13 ili 34,2%
Razbojništvo- pokušaj	2	2	isto
Razbojnička krađa		1	-1
Utaja	1		1
Oštećenje tuđe stvari	2	4	-2 ili 50%
Iznuda	1	3	-2 ili 66,7%
Iznuda-pokušaj		1	-1
Izazivanje opće opasnosti	2	1	1 ili 100%
Teška krivična djela protiv sigurnosti javnog prometa	1	1	isto
Nasilničko ponašanje	7	8	-1 ili 12,5%
Povreda mira pokojnika	1	0	1
ZONDINOM (čl. 52)	1	1	isto
ukupno	80	145	-65 ili 44,8%

OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO - EKSPLOZIVNIH SREDSTAVA

U toku 2017. godine na području Kantona Sarajevo registrovano je 14 slučajeva aktiviranja minsko-eksplozivnih sredstava (osam ili 36,4% manje u odnosu na 2016. godinu). U jednom slučaju je aktiviranjem ručne bombe počinjeno samoubistvo, u drugom je usljed „topovskog udara“ za vrijeme utakmice na stadionu, teške tjelesne povrede zadobilo jedno lice, dok su svi ostali slučajevi imali obilježja krivičnog djela izazivanja opće opasnosti. Eksplozije su za posljedicu imale smrt jednog lica (samoubistvo) i tešku tjelesnu ozljedu, te materijalnu štetu na stambenim, ugostiteljskim i poslovnim objektima, kao i na putničkim vozilima. Za sada su u četiri slučaja identifikovani učinioci i protiv njih su preduzete zakonske mjere.

Registrovano je osam anonimnih dojava o postavljenoj eksplozivnoj napravi (jedna u 2016. godini), a odnosile su se na Općinski sud - četiri puta, na škole – tri puta i jedna dojava da je postavljena eksplozivna naprava u cafe Face, za koje je nakon KDZ pregleda utvrđeno da su bile lažne. Za sada su u dva slučaja identifikovani učinioci i protiv njih su preduzete zakonske mjere.

POŽARI

Tokom 2017. godine, na području Kantona Sarajevo registrovano je 135 požara (20 više) u kojima je sedam lica poginulo.

Prema statističkim pokazateljima, 53 požara su izazvana namjerno, 23 zbog tehničkih nedostataka, 15 nehatom, dok uzroci 44 požara spadaju u kategoriju ostalih.

SAMOUBISTVA

U toku 2017. godine na području Kantona Sarajevo registrovana su 43 samoubistva (tri više), koja su izvršena na sljedeće načine: vješanjem – 22 puta, upotrebom vatrenog oružja – osam puta, skakanjem sa visine – sedam puta, oštrim predmetom – četiri puta, aktiviranjem eksplozivne naprave i strujnim udarom – po jednom.

Prema spolu, izvršioци su: 37 muškaraca i šest žena.

JAVNI RED I MIR

Policijski službenici su u toku 2017. godine, zbog raznih oblika narušavanja javnog reda i mira uručili/podnijeli ukupno **4.214** prekršajnih **naloga i zahtjeva** za pokretanje prekršajnog postupka (naloga – 3.036, zahtjeva – 1.178), što u odnosu na 2016. godinu predstavlja **smanjenje za 2.092 ili 33,2%**.

Prekršajne sankcije preduzete su **protiv 4.588 lica (2.023 ili 30,6% manje)**.

Prilikom narušavanja javnog reda i mira u 2017. godini, u slučajevima kada se radilo o prekršajima, jedno lice je teže povrijeđeno (kao i u 2016. godini), dok su **lakše povrijeđena 193 lica** (dva ili 1% više).

Od ukupnog broja prekršajnih sankcija, 3.713 ili 88,1% odnosi se na prekršaje utvrđene Zakonom o prekršajima protiv javnog reda i mira, a 501 ili 11,9% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 674 ili 16% prekršajnih sankcija, 35 na maloljetna lica i 43 na strane državljane.

S obzirom na starosnu strukturu lica protiv kojih su u protekloj godini preduzete prekršajne sankcije (ukupno 4.588), najveći broj je onih starosne dobi preko 36 godina (2.453), zatim starosti između 26 i 35 godina (1.263) i između 19 i 25 godina (825), dok je maloljetnih učinilaca prekršaja bilo 47 i oni su javni red i mir narušavali uglavnom tučama.

T

Najveći broj prekršajnih sankcija koje su imali službenici policijskih stanica Stari Grad (640), Centar (561) i Novo Sarajevo (296) odnosi se na prekršaje učinjene prosjačenjem, što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području ovih općina, posebno u vrijeme turističke sezone, vjerskih i drugih manifestacija.

Prema strukturi prekršaja iz oblasti javnog reda i mira, najbrojnija su **prosjačenja -1.683** (ili 39,9% od ukupnog broja), zatim **naročito drsko ponašanje - 538** (ili 12,8%), **tuče - 441** (ili 10,5%), i **odbijanje naređenja i omalovažavanje policijskih službenika - 320** (ili 7,6%). Znatno manje prekršaja učinjeno je svadom, vikom i nepristojnim ponašanjem - 106, uživanjem opojne droge na javnom mjestu – 15, paljenjem petardi - osam, te neovlaštenom upotrebom oružja – dva. Zbog svih ostalih prekršaja preduzeto je 600 prekršajnih sankcija. Preostalih 501 prekršaj sankcionisan je u skladu sa odlukom općinskih vijeća o javnom redu i miru.

Tabelarni pregled strukture prekršaja iz oblasti javnog reda i mira
za 2017/ 2016.godinu

STRUKTURA PREKRŠAJA	2017.	2016.	upredba
UKUPNO NALOGA I ZAHTJEVA	4.214	6.306	-2092 ili 33,2%
UKUPNO LICA	4.588	6.611	-2023 ili 30,6%
Prekršaji iz Zakona o prekršajima protiv JRiM:	3.713	5.648	-1935 ili 34,2%
<i>-Tuče</i>	441	500	-59 ili 11,8%
<i>-Naročito drsko ponašanje</i>	538	553	-15 ili 2,7%
<i>-Odbijanje naređenja i omalov. policijskih sl.</i>	320	472	-152 ili 32,2%
<i>-Svađa, vika, nepristojno ponašanje</i>	106	130	-24 ili 18,5%
<i>-Uživanje opojne droge na javnom mjestu</i>	15	5	10 ili 200%
<i>-Neovlaštena upotreba oružja</i>	2	2	isto
<i>-Paljenje petardi</i>	8	13	-5 ili 38,5%
<i>-Prosjačenje</i>	1.683	3.312	-1629 ili 49,2%
<i>-Ostali prekršaji iz Zakona o prekrš. protiv JRiM</i>	600	661	-61 ili 9,2%
Prekršaji prema Odluci OV o JRiM	501	658	-157 ili 23,9%

U odnosu na 2016. godinu, povećan je broj prekršaja koji su učinjeni uživanjem opojne droge na javnom mjestu, broj prekršaja učinjenih neovlaštenom upotrebom oružja ostao je isti, dok je u svim ostalim slučajevima smanjen broj prekršaja.

Prema mjestu izvršenja, najveći broj prekršaja učinjen je na **ulici i na drugim otvorenim prostorima - 3.642 (ili 86,4%)**, a znatno manje u ugostiteljskim objektima - 169 (ili 4%), na sportskim terenima – 110 (ili 2,6%), u školama i školskim dvorištima - 31, u trgovinskim i zanatskim radnjama - 18, vozilima javnog saobraćaja - devet i na ostalim mjestima - 235 prekršaja.

Tabelarni pregled broja prekršajnih sankcija prema mjestu izvršenja
2017/2016. godina

MJESTO IZVRŠENJA	2017. godina	2016. godina	uporedba
Ulice i drugi otvoreni prostori	3642	5.708	-2066 ili 36,2%
Ugostiteljski objekti	169	335	-166 ili 49,5%
Sportski stadioni i dvorane	110	22	88 ili 400%
Vozila javnog saobraćaja	9	5	4 ili 80%
Škole i školska dvorišta	31	19	12 ili 63,1%
Trgovinske i zanatske radnje	18	27	-9 ili 33,3%
Ostala mjesta	235	190	45 ili 23,7%
UKUPNO	4.214	6.306	-2092 ili 33,2%

U odnosu na 2016. godinu, smanjen je broj prekršaja koji su registrovani na ulici i drugim otvorenim prostorima, u ugostiteljskim objektima i u trgovinskim radnjama, dok je na svim ostalim mjestima broj povećan.

Na području Kantona Sarajevo u toku 2017. godine održano je 2.629 javnih skupova (90 više u odnosu na 2016. godinu). Policijski službenici provodili su planske aktivnosti na organizaciji javnih skupova, koji su protekli bezbjedno, a u 582 slučaja izvršeno je KDZ osiguranje.

SAOBRAĆAJ

U toku 2017. godine, stanje sigurnosti saobraćaja karakteriše smanjenje ukupnog broja saobraćajnih nezgoda, nezgoda sa materijalnom štetom, sa nastradalim licima i broja nastradalih lica.

Registровано je 10.438 saobraćajnih nezgoda (929 ili 8,2 % manje), 9.652 sa materijalnom štetom (814 ili 7,8 % manje) i 786 sa nastradalim licima (115 ili 12,8 % manje).

U saobraćajnim nezgodama na području Kantona Sarajevo 1.049 lica je nastradalo (191 ili 15,4 % manje). Četrnaest lica je poginulo (sedam ili 33,3 % manje), dok je 1.035 lica povrijeđeno (184 ili 15,1 % manje), 141 teže i 894 lakše.

Među poginulim licima evidentirano je sedam pješaka (jedan manje), četiri vozača (sedam manje) i tri putnika (jedan više).

Od ukupno 14 poginulih lica u saobraćajnim nezgodama jedno je naknadno podleglo.

Od ukupno 1.035 povrijeđenih lica, 484 su vozači (62 manje), putnika – 340 (42 manje) i pješaka - 211 (80 manje). Kada je u pitanju stepen povreda, 45 vozača je teže, a 439 lakše povrijeđeno, 33 putnika su teže, a 307 lakše povrijeđena, dok su 63 pješaka teže, a 148 lakše povrijeđena.

U naselju je registrovana 9.581 saobraćajna nezgoda (10 sa poginulim, 690 sa povrijeđenim licima i 8.881 sa materijalnom štetom), van naselja 857 nezgoda (tri sa poginulim, 83 sa povrijeđenim licima i 771 sa materijalnom štetom).

Registрована je 2.151 saobraćajna nezgoda na raskrsnicama u naselju, 213 na raskrsnicama van naselja, 101 na pješačkom prelazu, 24 na nadvožnjaku, jedna na prelazu preko željezničke pruge i 7.948 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
2017./2016.godina

	2017.	2016.	+, -, %
UKUPNO SAOBRAĆAJNIH NEZGODA	10.438	11.367	- 929 ili 8,2 %
Saobraćajne nezgode sa nastradalim licima	786	901	- 115 ili 12,8 %
Saobraćajne nezgode sa materijalnom štetom	9.652	10.466	- 814 ili 7,8 %
POGINULO LICA	14	21	- 7 ili 33,3 %
- vozači	4	11	- 7 ili 63,6 %
- putnici	3	2	+ 1 ili 50 %
- pješaci	7	8	- 1 ili 12,5 %
POVRIJEĐENO LICA	1.035	1.219	- 184 ili 15,1 %
- vozači	484	546	- 62 ili 11,3 %
- putnici	340	382	- 42 ili 11 %
- pješaci	211	291	- 80 ili 27,5 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 224 lica, od 25 do 30 godina – 160 lica, od 51 do 65 godina – 138 lica, od 41 do 50 godina – 128 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 8.805 (10 lica poginulo i 660 povrijeđeno), neprilagođena brzina - 1.496 (četiri lica poginula i 349 lica povrijeđeno), uticaj alkohola – 113 (25 lica povrijeđeno), klizav put – 20 (bez nastradalih lica), odron na putu – dvije nezgode (bez nastradalih lica), uticaj opojnih droga - jedna (jedno lice porijeđeno) i oštećenje puta – jedna saobraćajna nezgoda (bez nastradalih lica).

Evidentirano je 418 saobraćajnih nezgoda (23 manje) u kojima su učestvovali inostrani vozači i 29 saobraćajnih nezgoda (15 manje) u kojima su učestvovala vozila međunarodnih organizacija (bez nastradalih lica).

U sklopu redovnih aktivnosti, službenici policije su kontrolisali ukupno 252.964 vozila (31.021 manje).

Zbog tehničke neispravnosti, iz saobraćaja je isključeno 428 vozila (396 manje), 2.250 vozača je zatečeno da upravljaju vozilom pod dejstvom alkohola (2.290 manje), 5.077 bez korištenja sigurnosnog pojasa (2.993 manje), 935 bez položenog vozačkog ispita (2.192 manje), a 1.466 vozača je učestvovalo u saobraćaju bez važeće registracije (1.476 manje) i 935 pod izrečenom zaštitnim mjerom (nijedna).

Zbog kršenja propisa iz oblasti sigurnosti saobraćaja uručeno je 184.538 prekršajnih naloga vozačima (47.015 manje), podneseno 609 zahtjeva za pokretanje prekršajnog postupka (176 manje) i registrovano 89 krivičnih djela zbog ugrožavanja sigurnosti javnog prometa (12 manje).

3.3. MIRUJUĆI SAOBRAĆAJ I KONTROLA PJEŠAKA

Tokom 2017. godine, pripadnici Uprave policije su uručili 80.627 prekršajnih naloga vozačima koji nisu poštivali saobraćajne propise prilikom parkiranja (17.124 manje u odnosu na 2016. godinu), upozorili 5.346 vozača (394 manje), a specijalnim vozilom „pauk“ su premjestili 2.676 vozila (64 više). Zahtjeva za pokretanje prekršajnog postupka nije bilo.

Takođe, upozoreno je 1.712 pješaka (524 manje) i uručeno 3.345 prekršajnih naloga pješacima (2.442 manje). Zahtjeva za pokretanje prekršajnog postupka nije bilo.

ZAKONITOST U RADU

Tokom 2017. godine, registrovano je 27 napada na policijske službenike Uprave policije MUP-a Kantona Sarajevo. (četiri manje). U napadima su učestvovala 33 punoljetna lica koja su lišena slobode.

Policijski službenici su tokom 2017. godine, 38 puta upotrijebili silu (21 manje) i to:

- ❖ fizičku snagu i sredstva za vezivanje – 31
- ❖ fizičku snagu – tri puta
- ❖ vatreno oružje- dva puta
- ❖ fizičku snagu, palicu i sredstva za vezivanje – jednom
- ❖ službenu palicu – jednom

Upotreba sredstava prinude je u 37 slučajeva ocijenjena opravdano, a u jednom slučaju neopravdano.

U toku 2017. godine, vođeno je 148 unutrašnjih istraga (18 više).

Za 133 predstavke (19 više) je data saglasnost da se sprovedu unutrašnje istrage, za 191 predstavku da se izvrše provjere i prikupi dokumentacija, za 75 da nema osnova za provođenje unutrašnjih istraga, za devet da se pripoje ranijim spisima, dok je osam predstavki donesena odluka o nenadležnosti.

Okončano je 114 unutrašnjih istraga, među kojima u 41 slučaju nije bilo dovoljno dokaza, 36 predstavki je osnovanih, 30 neosnovanih, u četiri slučaja istraga je obustavljena, u dva slučaja se od istrage odustalo, dok je u jednom slučaju istraga okončana ocjenom oslobađajuća.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U 2017. godini evidentirano je 78 djela koja su regulisana Zakonom o nabavljanju, držanju i nošenju oružja i municije (šest manje), počinjenih od strane 84 izvršioca, od kojih je 27 lišeno slobode.

Od strane Policijskih uprava fizičkim licima izdato je 957 odobrenja za nabavku vatrenog oružja (180 manje) i 1.197 oružnih listova (112 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeta su: dva teška oružja, 85 pištolja, 18 pušaka, 186 „noža, mača, sablji i sl.“, sedam ručnih bombi, 14 boksera, 2.052 kom. municije različitog kalibra, 0,25 kg eksploziva, 909 petardi, itd.

RAD POLICIJE U ZAJEDNICI

U okviru Rada policije u zajednici tokom 2017. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.